



Broj: 02-11-4249/21
Sarajevo: 14-03-2022 godine

Na osnovu člana 70. stav (4) i (6) Zakona o javnim nabavkama BiH ("Službeni glasnik BiH", br. 39/14) u daljem tekstu: Zakon, člana 69. Statuta Općine Centar Sarajevo – prečišćeni tekst ("Službene novine Kantona Sarajevo", br. 23/04), na prijedlog Komisije za provođenje postupka nabavke i isporuke specijalizovanog teretnog vozila za sakupljanje i odvoz komunalnog otpada Službi za komunalnu čistoću formiranu pri KJKP „Rad“ d.o.o. Sarajevo, imenovana rješenjem broj: 10-45-4249/21 od 23.09.2021. godine, u daljem tekstu: Komisija, a u skladu sa Rješenjem Ureda za razmatranje žalbi BiH Filijala/Podružnica Mostar broj: JN2-03-07-1-275-8/22 od 24.02.2022.godine, u postupku nabavke specijalizovanog teretnog vozila za sakupljanje i odvoz otpada iz klasičnih kanti, kontejnera i zvono kontejnera za potrebe Službe za komunalnu čistoću, putem otvorenog postupka, Opštinski načelnik d o n o s i:

O D L U K U **o poništenju postupka javne nabavke**

- I. Poništava se** postupak javne nabavke specijalizovanog teretnog vozila za sakupljanje i odvoz otpada iz klasičnih kanti, kontejnera i zvono kontejnera za potrebe Službe za komunalnu čistoću, putem otvorenog postupka, Obavještenje o nabavci broj: 848-1-1-130-3-72/21 od 02.08.2021. godine i Ispravka obavještenja broj: 848-1-1-130-8-90/21 od 30.08.2021. godine.
- II.** Ova odluka dostavlja se svim ponuđačima koji su učestvovali u postupku javne nabavke u roku od 7 (sedam) dana od dana donošenja iste, shodno članu 71. Zakona.
- III.** Ova Odluka objavit će se na web stranici Općine Centar, www.centar.ba, istovremeno s upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

O b r a z l o ž e n j e

Otvoreni postupak za nabavku i isporuku specijalizovanog teretnog vozila za sakupljanje i odvoz otpada iz klasičnih kanti, kontejnera i zvono kontejnera za potrebe Službe za komunalnu čistoću, pokrenut je Odlukom Općinskog načelnika broj: 02-11-4249/21 od 02.08.2021. godine, putem otvorenog postupka. Procijenjena vrijednost predmetne javne nabavke iznosi 420.000,00 KM bez PDV-a.

Shodno Zakonu, na Portalu javnih nabavki objavljeno je Obavještenje o nabavci broj: 848-1-1-130-3-72/21 od 02.08.2021. godine i Ispravka obavještenja broj: 848-1-1-130-8-90/21 od 30.08.2021. godine. Kriterij za dodjelu ugovora je „ekonomski najpovoljnija ponuda“ sa utvrđenim potkriterijima: 1.Cijena 60% i 2. Rok isporuke 40%.

U roku određenom za dostavu ponuda, na adresu ovog ugovornog organa pristigle su 2 (dvije) ponude ponuđača: „SV COMPANY“ d.o.o. Laktaši i „LIV - S“ d.o.o. Visoko.

U skladu sa članom 63. Zakona o javnim nabavkama (u daljem tekstu: Zakon), Komisija je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitana je cijena ponuda kako slijedi:

R/b	Ponudač	Ukupna cijena ponude u KM sa PDV-om i registracijom potkriterij 1 (60%)	Popust %/KM	Rok isporuke (dana) potkriterij 2 (40%)
1.	„SV COMPANY“ d.o.o. Laktaši	491.283,00	/	265 dana
2.	„LIV - S“ d.o.o. Visoko	453.650,00	/	200 dana

Nakon izvršenog javnog otvaranja ponuda, na zatvorenom sastanku Komisija je izvršila pregled dokumentacije priložene uz ponude u smislu provjere njene potpunosti i ispravnosti u skladu sa zahtjevima iz tenderske dokumentacije. Izvršena je evaluacija ponuda u skladu sa pravilima propisanim Zakonom i podzakonskim aktima kao i procedurama utvrđenim u samoj tenderskoj dokumentaciji za ovaj predmet javne nabavke. Detaljnom analizom ponude „**LIV - S**“ d.o.o. **Visoko**, Komisija je utvrdila da ponudač nije ispunio minimum traženih tehničkih karakteristika u pojedinim segmentima . Naime, na stranici 9. tehničke specifikacije i tehničkog lista (stranica 24. ponude), a u stavci koja se odnosi na materijal grabilice i nosive ploče, ponudač je ponudio materijal (St 52-3) koji ima slabija mehanička svojstva u odnosu na tražena.

Traženi materijal za grabilicu i nosivu ploču ima sljedeća mehanička svojstva :

- Vlačna čvrstoća 1200 N/mm² i više
- Granica elastičnosti 800 N/mm² i više
- Tvrdća 400 HBW i više

Mehanička svojstva ponuđenog materijala za grabilicu i nosivu ploču (čelik St 52-3)- naveden na stranici 9. u tehničkoj specifikaciji i ručno numerisanoj stranici 24, tj. u tehničkom listu.

- Vlačna čvrstoća 470-630 N/mm²
- Granica elastičnosti 355 N/mm²
- Tvrdća 146- 187 HBW .

Kao što je vidljivo iz prethodno navedenog, svojstva materijala od kojih se proizvodi jedna od najvažnijih komponenti predmetnog vozila, uveliko odstupaju od zahtjeva postavljenih u tehničkim specifikacijama.

Zbog navedenih razloga ponuda ponudača „LIV-S“ d.o.o. Visoko se odbacuje kao neprihvatljiva u skladu sa članom 68. stav (4) tačka i) Zakona.

Detaljnom analizom ponude ponudača „**SV COMPANY**“ d.o.o **Laktaši** utvrđeno je da je na strani 5. (Obrazac za cijenu ponude) u rubrici za godište nadogradnje upisano je 2022. godina a u tehničkim specifikacijama na strani 9., upisano je 2021. godina. Također na strani 10. U rubrici „debljina materijala nosive ploče“ ponudač nije upisao podatak o debljini materijala. Na stranici 33. Ponude dostavljena je potvrda o izvršenom ugovoru, izdata od strane JP „Komunalno Brčko“ d.o.o. Brčko u kojoj nije navedeno vrijeme izvršenja ugovora, u skladu sa odredbom člana 48. stav (3) tačka d) Zakona. Također u potvrdama o izvršenim ugovorima izdatim od strane „KOMUNALAC“ a.d. Derventa i JP „Vodokom“ d.o.o. Kakanj, na strani 35. i 37. Ponude, nije navedeno mjesto izvršenja ugovora, u skladu sa odredbom člana 48. stav (3) tačka d) Zakona i tačkom 7.3.2. pod a) tenderske dokumentacije u predmetnom postupku nabavke. Shodno navedenom, ponuda ponudača „SV COMPANY“ d.o.o. Laktaši se odbacuje kao neprihvatljiva u skladu sa članom 68. stav (1) i stav (4) tačka i) Zakona.

Na osnovu prihvaćene preporuke Komisije, postupak je poništen dana 12.01.2022.godine. Na Odluku o poništenju uložena je žalba od strane ponudača „SV COMPANY“ d.o.o Laktaši, te je postupak obustavljen do momenta rješavanja žalbe. O svemu navedenom su pismeno obaviješteni svi učesnici u postupku javne nabavke. Na prijedlog Komisije, žalba je sa kompletnom dokumentacijom proslijeđena Uredu za razmatranje žalbi BiH

Filijala/Podružnica Mostar. Dana 24.02.2022.godine Općini Centar Sarajevo, kao ugovornom organu dostavljeno je rješenje Ureda za razmatranje žalbi BiH Filijala/Podružnica Mostar, kojim se žalba ponuđača „SV COMPANY“ d.o.o Laktaši usvaja (djelimično), i poništava se odluka o poništenju postupka, te se predmet vraća ugovornom organu na ponovno odlučivanje.

Komisija je nakon dostavljenog rješenja, izvršila ponovnu evaluaciju ponuda u predmetnom postupku, primjenjujući odredbe rješenje Ureda za razmatranje žalbi BiH Filijala/Podružnica Mostar, te je detaljnom analizom prispjelih ponuda („SV COMPANY“ d.o.o Laktaši i „LIV – S“ d.o.o. Visoko), konstatovala da su ponude neprihvatljive iz sljedećih razloga:

- Ponuđač „**LIV – S**“ d.o.o. Visoko, nije ispunio minimum traženih tehničkih karakteristika u pojedinim segmentima, kao što je već ranije navedeno u prethodnom zapisniku. Naime, na stranici 9. tehničke specifikacije i tehničkog lista (stranica 24. ponude), a u stavci koja se odnosi na materijal grabilice i nosive ploče, ponuđač je ponudio materijal (St 52-3) koji ima slabija mehanička svojstva u odnosu na tražena.

Traženi materijal za grabilicu i nosivu ploču ima sljedeća mehanička svojstva :

- Vlačna čvrstoća 1200 N/mm² i više
- Granica elastičnosti 800 N/mm² i više
- Tvrdća 400 HBW i više

Mehanička svojstva ponuđenog materijala za grabilicu i nosivu ploču (čelik St 52-3)- naveden na stranici 9. u tehničkoj specifikaciji i ručno numerisanoj stranici 24, tj. u tehničkom listu.

- Vlačna čvrstoća 470-630 N/mm²
- Granica elastičnosti 355 N/mm²
- Tvrdća 146- 187 HBW .

Kao što je vidljivo iz prethodno navedenog, svojstva materijala od kojih se proizvodi jedna od najvažnijih komponenti predmetnog vozila, uveliko odstupaju od zahtjeva postavljenih u tehničkim specifikacijama. Zbog navedenih razloga ponuda ponuđača „LIV-S“ d.o.o. Visoko se odbacuje kao neprihvatljiva u skladu sa članom 68. stav (4) tačka i) Zakona o javnim nabavkama.

- Ponuđač „**SV COMPANY**“ d.o.o Laktaši je u svojoj ponudi na stranici 33.

dostavio potvrdu o izvršenom ugovoru, izdatu od strane JP „Komunalno Brčko“ d.o.o. Brčko u kojoj nije navedeno vrijeme izvršenja ugovora, kako je zahtijevano odredbom člana 48. stav (3) tačka d) Zakona. Također u potvrdama o izvršenim ugovorima izdatim od strane „KOMUNALAC“ a.d. Derventa i JP „Vodokom“ d.o.o. Kakanj, na stranici 35. i 37. Ponude, nije navedeno mjesto izvršenja ugovora, u skladu sa odredbom člana 48. stav (3) tačka d) Zakona i tačkom 7.3.2. pod a) Tenderske dokumentacije u predmetnom postupku nabavke. Shodno navedenom, ponuda ponuđača „SV COMPANY“ d.o.o. Laktaši se odbacuje kao neprihvatljiva u skladu sa članom 68. stav (1) i stav (4) tačka i) Zakona o javnim nabavkama.

Komisija je nakon ponovne evaluacije ponuda, postupajući po stavovima konačnog i izvršnog rješenja Ureda za razmatranje žalbi BiH Filijala/Podružnica Mostar od 24.02.2022.godine, donijela jednoglasnu odluku Opštinskom načelniku

PREPORUKU O PONIŠTENJU POSTUPKA

javne nabavke i isporuke specijalizovanog teretnog vozila za sakupljanje i odvoz otpada iz klasičnih kanti, kontejnera i zvono kontejnera za potrebe Službe za komunalnu čistoću, obzirom da u postupku nije dostavljena nijedna prihvatljiva ponuda.

Općinski načelnik je prihvatio Izvještaj i preporuku Komisije za javne nabavke, o čemu je donio ovu Odluku, shodno članu 70. stav (4) Zakona.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH/Filijala Mostar, putem ugovornog organa (Općina Centar Sarajevo), najkasnije u roku od 10 (deset) dana od dana prijema iste, shodno članu 101. stav (1) tačka d) Zakona.

Naknada za pokretanje žalbenog postupka iznosi 5.000,00 KM shodno članu 108. stav (1) tačka e) Zakona. Žalba se podnosi u dovoljnom broju primjeraka, a koji ne može biti manji od tri, shodno članu 99. stav (2) Zakona.



OPŠTINSKI NAČELNIK

Srdan Mandić

Prilog: Zapisnik o pregledu i ocjeni ponuda
Broj: 02-11-4249/21 od 07.03.2022.godine

DOSTAVITI:

1. „SV COMPANY“ d.o.o. Trn Laktaši, Obilićeva bb, 78 252 Trn-Laktaši
2. „LIV - S“ d.o.o. Visoko, Znanstveni centar Sebilj 2 bb, 71 300 Visoko
3. Službi za civilnu zaštitu
4. Kabinetu općinskog načelnika – Odsjeku za javne nabavke
5. Službi za finansije
6. Evidenciji